

Дик Виттингтон ве онынъ мышыгы

Инглиз халкъ масалы



Инглиз тилинден Арзы Алиева терджиме этти



Рессам - К. Безбородов

Кыърал Эдвард тахтда булунгъан заманлары койде фукъаре яшагъан Виттингтон адлы бир къары-ходжа олгъан. Оларнынъ **Дик** адлы огъулары бар экен. **Дик** даа пек яш олгъанда, онынъ ана-бабасы кечине. О, оларны бир вакъыт акъылындан чыкъармай. Онынъ яшы кичик олгъаны ичюн чалышмайып, эвде отура. Мераметли фукъаре бир къартана **Дикни** озюнинъ эвине ала. Къартана онъа яхшы акъыл-фикирлер берип, оны гузель тербиелей. **Дикнинъ** акърандашлары, койдешлери оны пек севелер.



Дик он дёрт яшны толдура, дюльбер бир огълан олуп етише. Мераметли къартана бу дюньяны терк эткен сонъра, о, озь-озюны бакъмагъа меджбур ола. Дик аджайип Лондра шеэри акъкъында чокъ эшите ве анда бармагъа, шеэрни озюнинъ козьлеринен коръмеге пек авес эте. О, Лондра пек балабан шеэр олуп, оларнынъ фукъаре койлерине бакъкъанда пек зенгин шеэр олгъанъыны ве анда чокъ имкян барлыгъына инана.



Куньлернынъ гузель яз сабаларындан биринде,
Дикнинъ джебинде парасы олмаса да, сеяхаткъа ёл
ала. О. бир къач саат ёл кечен сонъ, пек болдыра,
амма даа чокъ кетмек керек. Не япмалы? Бу
вакъыт онынъ янындан бир юкли араба кечип
кетмекте эди.



Дик арабаджыгъа озюнинъ ниетлери, планлары акъкъында пайлаша да, оны озъ арабасына алмасыны риджа эте, ялвара. Арабаджы разы ола ве къалгъан ярым ёлуны араба устюнде отырып мешур шеэрге барып чыкъа.



Лондра шеэрини корьген **Дикнинъ** юреги севинчтен тез-тез урып башлай. Амма о окюнчли бир алда эди. О, озь тасавурында Лондра шеэри балабан ве зенгин олуп корюне эди. Лондра исе, аддий бир шеэр экенини корюп рухтан тюше.



Дик арабаджынен сагълыкълаша. Онынъ парасы олмагъанындан, узун ёл ве ачлыкъ оны бир тамам алсызландыргъан эди. О, бутюн кунъ кезгенден сонъ, бир къапунынъ босагъасында юкълап къала. Уянгъан сонъ, о, четте яткъан бир чёкючни коре ве оны элине алып отура.



Эвнинъ саиби Фитцворрен сулялесинден олгъан
зенгин бир адам эди. Онынъ Алиса адлы къызы
бар эди. Алиса Дикнен бир яшта эдилер.

Ачувлы бир къадын эвнинъ къапусыны ача ве
садедже бир койлю йигитни корьгенинен
багъырып-къычырып оны къувмагъа башлай.




Алланынъ ярдымынен шу вакъытта Фитцворрен
эфенди пейда ола ве **Дик**нинъ икяесини эшитип,
пек тесирлене. **Дик** озюне иш тапкъандже онынъ
эвинде яшамасыны теклиф этти.



Алисанынъ ана-бабасы **Дикке** эвлеринде
яшамагъа разылыкъ берселер де, амма бу меселе
мушкюль эди. Чюнки ашчы огъланни севмей эди
ве онъа илле бир де-бир себеп тапып оны дарылып
тура.

Алиса **Дикни** ашчынынъ уджумларындан
къорчалай эди.



Ашчы оны эски бир къави кроватта сычанларнен
ве къушулларнен юкъламагъа меджбур этти. **Дик**
индемей, къатланмагъа арекет эте. О, пара
тапкъан сонъ, озюне бир мышыкъ алмагъа
ниетлене.



Бир къач кунъден сонъра, бир фукъаре апайы онъа мышыкъны бир пенниге сатмагъа истей. Фитцворрен эфенди онъа мышыкъ алмакъ ичюн пара бере. **Дик** мышыгъыны ашчы корер деп, сакъына ве оны эски бир сепетке къойып чардакъкъа ерлештире. Энди о бир де бир ерге вазифенен кеткенде эр вакъыт **Тюйлю** деп адландырылгъан мышыгъыны берабер ала.



Дик мышыкънен пек достлаша. Тюйлю бутюн сычанларны ве къушулларны тутып битире. Бу себептен Дикнинъ гонъюли чокъ раат ола.

Акъыллы мышыкъ Дик огреткен трюклерни тез огренип башлай.

Алиса да Тюйлюни пек севе.



Яш ханичик эр вакъыт **Дикке** достлукъ япмагъа тырыша. Эр сефер ашчы **Дикни** дарылгъанда, я да ургъанда **Алиса** муафаза меселесинде элинден кельген ярдымны косьтере.

Алиса пек дюльбер олуп, о, меляике киби бир къыз эди.

Алиса **Дикни** язмагъа огретмек ичюн бабасына риджада булунып, ондан изин ала. Чюнки о энди окъумагъа биле эди. **Дик** язмакъны да пек тез огренип башлады.



Фицворрен эфенди тиджаретнен огъраша. Бир куню о озюнинъ къоранта азаларыны топлап геминен бир де бир шей ёлламакъны теклиф этти. Амма бу вакъыты **Дик** Виттингтон бир ерде корюнмеди. Оны махсус чагъыртып, онъа да, капитаннен бир шей ёлламакъ мумкюн олгъаныны айталар. **Дик** ич бир шейи олмагъанындан утанып агълай.



Алиса бу арада Дикнинъ къулагъына эгилип:
«Озюнънинъ мышыгъынъны йибер», дей. Бундан
сонъ Дик Тюйлюни алып капитангъа бере.
Капитан мышыкънынъ сычанларны
тутаджагъыны пек яхшы биле.



Дик мышыкъсыз къалгъан сонъ, озюни ярамай
бир алда дуя. Ашчы онынъ устюнден кулюп юре.
Дик бунъа къатланып оламады. Фицворрен
эфендининъ эвинден кетмеге ниетлене. Эм ойле де
япа.



Дик сабадан Хайгейт–Хилле деген ерге келип чыкъя. Болдургъан ве озюни бахытсыз сезген **Дик** бир ташнынъ устюне ята ве юкълап къала. О, ташкъа шимди де Виттингтоннынъ ташы дениле. **Дик** чанъ сесинден уяна, чюнки бугунъ Эвлиялар куню эди.



О, чанъ давушыны эшиткенде бу сёзлерни де
эшите: «Виттингтон, сен юксек вазифеде -
Лондранынъ мэри оладжанъ».



Дикде умют пейда ола. О, эеджанлана ве кене
эвге къайта. Эв ишлеринде ярдым этмеге тырыша.
Амма ашчы онъа илишмекни эп девам эте.



Фицворренинъ «Денъиз гергеданы» гемиси
Африкагъа кете эди. О, денъиз фыртынасына
огърай. Гемидеки адамлар Ингильтереге
къайтмагъа умютини джоялар. **Дик**нинъ
мышыгъы исе, озюнинъ япкъан трюклеринен
матросларны эглендире, къувандыра эди.



Геми бир куню зенгин Африка кыраллыгына келип чыкба. Онынъ адамлары мусафирчен бир халкъ оларакъ без инсанларны корюп, пек кыуваналар. Кырал «Денъиз гергеданы» гемиси акъкъында эшиткенинен озюнинъ адамларыны ёллап, капитанны ве онынъ бир-эки якъын адамларыны уйле емек зияфетине давет эте.



Боюк бир зияфет корюшювге емеклер азырлана.



Беяз адамлар келип чыкъкъан вакъытта пек чокъ
сычан ве къушувлар пейда олалар. Къырал ве
къыраличе не япмасыны бильмейлер.



Капитан мышыкъ акъында лаф башлай. **Тюйлю**
кельсе бу сычанларнынъ ве къушувларнынъ
эписини тутып ашар эди, деп тюшюне о.



Мышыкъны гемиден кетирип йиберелер. Арадан
чокъ вакъыт кечмей о, бутюн сычанларны ве
къушувларны тутып ашап-богъуп битире.



Къыраличе мышыкъны пек севе.



Къырал капитангъа онынъ мышыгъы
сычанларны ве къушувларны тутып битиргени
ичюн онъа пек чокъ алтын багъышлай.



Капитан ишлерини битирип, Ингильтереге ёл
ала.



Ингильтереге барып чыккыан сонъра о, **Дикке**
кырал онъа некъадар чокъ алтын
багъышлагъаныны айтып бере.



Фицворрен эфенди алтынгъа токъунмадан,
алтынларнынъ эписи **Дик**нинъ олгъаныны сёйлей.



Дик агълай ве онъа ялыңыз мышыкъ
кереклигини анлата. Мышыкъ саибине
къайтарыла. Тюйлю омюрининъ сонъунадже
саибинен яшай.

Дик алтынларны элял ишлерге масраф эте.



Фицворрен эфенди **Дик** осюп етишкенге къадар
онынъ вариси ола.



Фицворрен эфендининъ насиатлары иле **Дик**
тиджаретнен огърашып башлай.



О Алисагъа севда ола ве эвленмек чагъына
кельгенинен Дик онъа эвлене.

Виттингтонны эр кес урьмет эте. О парламентте чалыша, "рыцарь" ве "лорд" унванларыны къазана. Лондра шеэрининъ де мэри ола. Бойлеликнен бир вакъытлары **Дик** бала экенде чанъ давушынынъ сёйлегенлери киби олуп чыкъа. Сэр Ричард-**Дик** Виттингтон энди учюнджи кере мэр вазифесинде булунаракъ о, къыралны ве къыраличени эглендиргенде, къырал Дикке дей: «Шахзаде бир вакъыт ойле шей япмаз эди». Лондра шеэрининъ мэри лорд Дик къыралгъа джевап бере: «Бир вакъыт ойле шахзаде олмады».

Къырал якъылгъан буюк алевден зевкълана. Одунлардан атеш якъалар. Сэр Ричард-**Дик** Виттингтон: «Алевни буюкче япмакъ мумкюн», дей. Сэр Ричард Френкстаннен дженк алып бармакъ ичюн къыралнынъ эмири саесинде элинден топлангъан алтмыш бинъ фунт параны чыкъарып алевге ташлай. Сэр Ричард озюни керем киби косьтере.



Дикнинъ къарыси Алиса ольген сонъра о, даа
йигирми йил яшап, бу дюнъяны терк этти. О,
озюнинъ эйи ве хайырлы ишлеринен
адамларнынъ хатирелеринде къала.



<https://www.leylaemir.org/literary-gallery/arzy-ali/dick-whittington-and-his-cat.php>

Dik Vittington ve onıñ mışığı

İngliz halq masalı



İngliz tilinden Arzı Aliyeva tercime etti



Qıral Edvard tahtda bulunğan zamanları köyde fuqare yaşağan Vittington adlı bir qarı-hoca olğan. Olarnıñ **Dik** adlı oğulları bar eken. **Dik** daa pek yaş olğanda, onıñ ana-babası keçine. O, olarnı bir vaqıt aqılından çıqarmay. Onıñ yaşı kiçik olğanı içün çalışmayıp, evde otura. Merametli fuqare bir qartana **Dikni** özünüñ evine ala. Qartana oña yahşı aqıl-fikirler berip, onı güzel terbiyeley. **Dikniñ** aqrandaşları, köydeşleri onı pek seveler.



Dik on dört yaşnı toldura, dölber bir oğlan olup yetişe. Merametli qartana bu dünyanı terk etken soñra, o, öz-özünü baqmağa mecbur ola. **Dik** acayip Londra şeerı aqqında çoq eşite ve anda barmağa, şeerni özüniñ közlerinen körmege pek aves ete. O, Londra pek balaban şeer olup, olarnıñ fuqare köylerine baqqanda pek zengin şeer olğanını ve anda çoq imkân barlığına inana.



Künlerniñ güzel yaz sabalarından birinde,
Dikniñ cebinde parası olmasa da, seyahatqa yol
ala. O, bir qaç saat yol keçen soñ, pek boldıra,
amma daa çoq ketmek kerek. Ne yapmalı? Bu
vaqıt onıñ yanından bir yüklü araba keçip
ketmekte edi.



Dik arabacığa özüniñ niyetleri, planları aqqında paylaşa da, onı öz arabasına almasını rica ete, yalvara. Arabacı razı ola ve qalğan yarım yolunı araba üstünde otırıp meşur şeerge barıp çıqa.



Londra Őeerini k rger **Dik**ni  y regi sevin ten
tez-tez urıp baŐlay. Amma o  k n li bir alda edi.
O,  z tasavurunda Londra Őeeri balaban ve
zengin olup k r ne edi. Londra ise, addiy bir
Őeer ekenini k r p ruhtan t Őe.



Dik arabacınen sađlıqlaşı. Onıñ parası olmađanından, uzun yol ve açlıq onı bir tamam alsızlandırğan edi. O, bütün kün kezgenden soñ, bir qapunıñ bosağasında yuqlap qala. Uyanğan soñ, o, çette yatqan bir çöküçni köre ve onı eline alıp otura.



Evniñ saibi Fittsvorren sulâlesinden olğan zengin bir adam edi. Onıñ **Alisa** adlı qızı bar edi. **Alisa** **Dik**nen bir yaşta ediler.

Açuvlı bir qadın evniñ qapusını aç ve sadece bir köylü yigitni körgeninen bağırıp-qıçırıp onı quvmağa başlay.



Allahniñ yardımınen řu vaqıtte Fittsvorren efendi peyda ola ve **Dik**niñ ikâyesini eşitip, pek tesirlene. **Dik** özüne iş tapqance onıñ evinde yaşamasını teklif etti.



Alisanıñ ana-babası **Dik**ke evlerinde yaşamağa razılıq berseler de, amma bu mesele müşkül edi. Çünkü aşçı oğlannı sevmey edi ve oña ille bir de- bir sebep tapıp onı darılıp tura.

Alisa **Dik**ni aşcınınñ ucumlarından qorçalay edi.



Aşçı onı eski bir qavi krovatta sıçanlarnen ve quşullarnen yuqlamağa mecbur etti. **Dik** indemey, qatlanmağa areket ete. O, para tapqan soñ, özüne bir mışıq almağa niyetlene.



Bir qa künden sonra, bir fuqare apayı oña mışığını bir pennige satmağa istey. Fittsvorren efendi oña mışığı almaq için para bere. **Dik** mışığını aşçı körer dep, saqına ve onı eski bir sepetke qoyıp çardaqqaya yerleştire. Endi o bir de bir yerge vazifenen ketkende er vaqıt **Tüylü** dep adlandırılğan mışığını beraber ala.



Dik mışıqnen pek dostlaşa. **Tüylü** bütün
sıçanlarnı ve quşullarnı tutıp bitire. Bu sebepten
Dikniñ göñüli çoq raat ola.

Aqıllı mışıq **Dik** öğretken trüklerni tez öğrenip
başlay.

Alisa da **Tüylü**ni pek seve.



Yaş haniçik er vaqıt **Dikke** dostluq yapmağa tırışa. Er sefer aşçı **Dikni** darılğanda, ya da urğanda **Alisa** muafaza meselesinde elinden kelgen yardımını köstere.

Alisa pek dülber olup, o melâike kibi bir qız edi.

Alisa **Dikni** yazmağa öğretmek içün babasına ricada bulunıp, ondan izin ala. Çünki o endi oqumağa bile edi. **Dik** yazmaqı da pek tez öğrenip başladı.



Fitsvorren efendi ticaretnen oğraşa. Bir künü o özünüñ qoranta azalarını toplam geminen bir de bir şey yollamaqnı teklif etti. Amma bu vaqıtı **Dik** Vittington bir yerde körünmedi. Onı mahsus çağırıp, oña da, kapitannen bir şey yollamaq mümkün olğanını aytalar. **Dik** iç bir şeyi olmağanından utanıp ağlay.



Alisa bu arada **Dikniñ** qulağına egilip:
"Özüñniñ mışığıñnı yiber", dey. Bundan soñ **Dik**
Tüylüni alıp kapitanğa bere. Kapitan mışıqnıñ
sıçanlarnı tutacağını pek yahşı bile.



Dik mışıqsız qalğan soñ, özünü yaramay bir
alda duya. Aşçı onıñ üstünden külüp yüre. **Dik**
buña qatlanıp olamadı. Fitsvorren efendiniñ
evinden ketmege niyetlene. Em öyle de yapa.



Dik sabadan Haygeyt–Hille degen yerge kelip
çıqa. Boldurğan ve özünü bahıtsız sezgen **Dik** bir
taşnıñ üstüne yata ve yuqlap qala. O taşqa şimdi
de Vittingtonnıñ taşı denile. **Dik** çañ sesinden
uyana, çünkü bugün Evliyalar künü edi.



O, a davuını eitkende bu szlerni de eite:

"Vittington, sen yksek vazifede - Londranı
meri olaca".



Dikde ümüt peyda ola. O, eyecanlana ve kene
evge qayta. Ev işlerinde yardım etmege tırıışa.
Amma aşçı oña ilişmekni ep devam ete.



Fitsvorreniñ "Deñiz gergedanı" gemisi Afrikağa kete edi. O, deñiz fırtınasına oğray. Gemideki adamlar İngilterege qaytmağa ümütini coyalar. **Dikniñ** mışığı ise, özünüñ yapqan trüklerinen matroslarnı eglendire, quvandıra edi.



Gemi bir künü zengin Afrika qırallığına kelip çıqa. Onıñ adamları musafirçen bir halq olaraq beyaz insanlarnı körüp, pek quvanalar. Qıral "Deñiz gergedanı" gemisi aqqında eşitkeninen özüniñ adamlarını yollap, kapitannı ve onıñ bir-eki yaqın adamlarını üyle yemek ziyafetine davet ete.



Büyük bir ziyafet körüşüvge yemekler azırlana.



Beyaz adamlar kelip çıqqan vaqıtta pek çoq
sıçan ve quşuvlar peyda olalar. Qıral ve qıraliçe
ne yapmasını bilmeyler.



Kapitan mışıq aqında laf başlay. **Tüylü** kelse bu
sıçanlarınñ ve quşuvlarınñ episini tutıp aşar edi,
dep tüşüne o.



Mışıqnı gemiden ketirip yibereler. Aradan çoq
vaqıt keçmey o bütün sıçanlarını ve quşuvlarını
tutıp aşap-boğup bitire.



Qıraliçe mışığı pek seve.



Qıral kapitanğa onıñ mışığı sıçanlarını ve quşuvlarını tutıp bitirgeni içün oña pek çoq altın bağışlay.



Kapitan işlerini bitirip, İngiltereye yol ala.



İngiltereğe barıp çıqqan soñra o, **Dikke** qıral
oña neqadar çoq altın bağışlağanını aytıp bere.



Fitsvorren efendi altına toqunmadan,
altınlarnıñ episi **Dikniñ** olğanını söyley.



Dik ağlay ve oña yalınız mış1q kerekligini anlata. Mış1q saibine qaytarıla. **Tüylü** ömüriniñ soñunace saibinen yaşay.

Dik altınlarnı elâl işlerge masraf ete.



Fitsvorren efendi **Dik** ösüp yetişkenge qadar
onıñ varisi ola.



Fitsvorren efendiniñ nasiatları ile **Dik**
ticaretnen oğraşıp başlay.



O, **Alisa**ğa sevda ola ve evlenmek çağına
kelgeninen **Dik** oña evlene.

Vittingtonnı er kes  rmet ete. O parlamentte  alı a, "rıtsar" ve "lord" unvanlarını qazana. Londra  eerini  de meri ola. B yleliknen bir vaqıtları **Dik** bala ekende  a  davu ını  s ylegenleri kibi olup  ıqa. Ser Ri ard-**Dik** Vittington endi    nci kere mer vazifesinde bulunaraq o, qıralnı ve qıralı eni eglendirgende, qıral **Dikke** dey: " ahzade bir vaqıt  yle  ey yapmaz edi". Londra  eerini  meri lord **Dik** qıral a cevap bere: "Bir vaqıt  yle  ahzade olmadı".

Qıral yaqıl an b y k alevden zevqlana. Odunlardan ate  yaqalar. Ser Ri ard-**Dik** Vittington: "Alevni b y k e yapmaq m mk n", dey. Ser Ri ard Frenkstannen cenk alıp barmaq i  n qıralnı  emiri sayesinde elinden toplan an altmı  bi  funt paranı  ıqarıp alevge ta lay. Ser Ri ard  z ni kerem kibi k stere.



Dikniñ qarısı **Alisa** ölgen soñra o daa yigirmi yil yaşap, bu dünyanı terk etti. O, özünüñ eyi ve hayırlı işlerinen adamlarnıñ hatirelerinde qala.



<https://www.leylaemir.org/literary-gallery/arzy-ali/dick-whittington-and-his-cat.php>